

下左邊疼吹入右鼻右邊疼吹入左鼻立效

經驗後方治偏頭疼絕妙華撥爲末令患者口中含溫水左邊疼令左鼻吸一字右邊疼令右鼻吸一字效

集驗方治偏正頭疼穀精草一兩爲末用白麩調攤紙花子上貼疼處乾又換

偏頭疼方用生蘿蔔汁一規殼仰臥注鼻左痛注左右痛注左右俱注亦得神效

外臺秘要頭風白屑如麩糠方

豎截楮木作枕六十日一易新者

治卒風瘡不得語方第二十

道藏輯要

肘後備急方

圭

虛集十

治卒不得語方以苦酒煮茨子薄頸一周以衣苞一日一夕乃解卽差

又方煮大豆煎其汁令如飴含之亦但濃煮飲之

又方煮豉汁稍服之一日可美酒半斤中攪分爲三服

又方用新好桂削去皮搗篩三指撮著舌下咽之

又方剉穀枝葉酒煮熱灰中沫出隨多少飲之

治卒失聲聲噎不出方橘皮五兩水三升煮取一升去滓頓服傾合服之

又方濃煮苦竹葉服之差

又方搗蕤荷根酒和絞飲其汁此本在雜治中

又方通草乾薑附子茯神各一兩防風桂石膏各二兩麻黃一兩半白朮半兩杏仁三十枚十物搗篩爲末蜜丸如大豆大一服七丸漸增加之凡此皆中風又有竹瀝諸湯甚多此用藥雖少而是將治所患一劑不差更應服之

又方針大槌旁一寸五分又刺其下停針之

又方礬石桂末綿裹如棗內舌下有唾出之

又方燒馬勒銜鐵令赤內一升苦酒中破一雞子合和飲之

若卒中冷聲嘶啞者甘草一兩桂二兩五味子二兩杏仁三十枚生薑八兩切以水七升煮取二升爲二服服之

附方

道藏輯要

肘後備急方

圭

虛集十

經驗後方治中風不語獨活一兩剉酒二升煎一升大豆五合炒有聲將藥酒熱投蓋良久溫服三合未差再服

又方治中風不語喉中如拽鋸聲口中涎沫取藜蘆一分天南星一箇去浮皮卻臍子上陷一箇坑子內入陳醋一椀斗子四面用火逼令黃色同一處搗再研極細用生蜜爲丸如赤豆大每服三丸溫酒下

聖惠方治中風以大聲咽喉不利以蘘荷根二兩研絞取汁酒一大盞相和令勻不計時候溫服半盞

治風毒腳弱痺滿上氣方第二十一

腳氣之病先起嶺南稱來江東得之無漸或微覺疼痺或兩脛